

松  
風  
閣  
詩  
鈔

松風閣詩鈔

長洲 彭蘊章詠莪

卷十七 金鼇集 古今體詩五十一首

癸丑元旦

上詣

壽皇殿命隨同行禮恭紀

律轉青陽萬象新焚香祇謁

闕宮春

六飛翠罕來中禁九拜瑤墀感從臣孺慕未忘符

舜孝

先型遠紹布

堯仁

至誠昭格

天垂鑒貌虎南驅百獸馴

元旦蒙

賜荷包金錢恭紀

兩載元辰叨

賚予

上年元旦拜賜

焜煌金幣出荷囊久慚無術司園府忝

拜多珍

賜上方三品於今還錫貢五銖自古幾更張持籌我欲

披沙揀地寶由來無盡藏

時有開礦之議余頗韙之

慰高祖壽同歸故里

他時但說還鄉好江上烽烟此日愁  
駿足燕臺懷往事雁行閩嶠憶前遊  
未堪吳市棲梁孟且向何山學點求  
散盡司空千匹絹王官谷裏始無憂

仲春穀旦

上臨雍講學釋奠於

先師

蘊章

分獻兩廡禮成聽講恭紀

昌時崇聖教

踐阼臨辟雍入學先釋奠則古欽儒風  
長筵列籩豆侑

舞鏘磬鐘遠紹唐虞統心傳契執中深窺洙泗奧至道  
履從容兩楹今協夢配享諸賢從杏壇七十子分列廡  
西東後賢附私淑亦入數仞宮小子幸承乏一獻禮則  
隆禮成還聽講

典學開愚蒙千羽修文德弧矢成武功

皇衷守精一薄海其來同

哭潘功甫舍人 曾沂

少小同里閭文壇相角逐君忽悔浮名爲善日不足不  
惜數頃田遑論千鍾粟施濟在鄉鄰高誼敦任睦一載  
列朝參選心寄空谷閒尋西磧梅愛玩東籬菊迢迢三

十年坦坦幽人躅身居華廡地刻厲守以樸躬持太常  
齋路施黔熬粥頻逢饑饉平餓夫得鼓腹更推慈幼心  
殷勤棄嬰畜比戶宰耕牛君獨收而牧仁術亦多端悉  
數難更僕吳人矜式君好義耻君獨慕效爭慷慨萬戶  
食君福年纔耳順過天胡奪之速梓里泣吞聲善人嗟  
無祿我齒與君同畏友常膺服兩度返故鄉叩門徒立  
鵠閒雲無迹尋冠蓋嘆其俗猶有尺書通武彝圖九曲  
濟世未忘情逃禪豈寂寞定省踏紅塵舟車頻往復難  
忘白髮親君死奚瞑目江上暗烽烟三吳地相屬守望  
各懷憂水旱上空沃所恐執干戈豈獨傷薪木哲人已

云亡吉凶勞問卜

二月二十六日

孝和睿皇后梓宮奉安

昌西陵禮成恭紀

殯宮停處闕三秋土木工成珠一邱儉德不教藏玉殯  
仙蹤長此闕瓊樓循塗鳳輦飛塵靜順軌龍輶引紼柔  
大禮於今襄事畢

神輿計日達

皇州

清明日感懷五首

家家上塚祀清明客裏光陰感半生聞道故鄉烽火近  
春風悵望闔閭城

白雲深處掩柴關只許仙禽去復還避地難追高隱躅  
當年悔不買青山

餘不溪頭好隱居茅菴未到卅年餘

德清五雲堂遠峯  
兄所築地處深山

昔人於  
此避難

去鄉三日川塗遠更恐荒山斷筍蔬

堯峯墓北三弓地巢父林栖寄一枝盡道此鄉風土好

結廬人在鳳凰池

地名余家子弟  
避地於此山

聞說移家木瀆濱近依五柳喜情親

六兒避木瀆  
依外家陶宅忙中

倘發清遊興香雪遙尋鄧尉春

江聽濤表弟

文鳳

別二十餘年矣有詩見懷作此

奉寄

與子如斯堂

江氏堂名

上別年華似水不堪思新詩寄遠深

情託舊事平生大畧知角里幽居塵迹斷吳船春漲暖  
風吹還鄉兩度未相見他日重逢各自髭

涿州旅次聞驛報過境

羽檄來何處嘶風聽馬聲今宵孤館客苦憶石頭城荷  
戟疲奔命安車坐擁兵烽烟暗江左使我夢魂驚

弔粵楚吳豫死節諸賢

丹心貫日月碧血灑山川列郡寇氛惡諸賢大節完效

死旌末秩偷生愧高官  
褒榮逾袞繡無爲涕洟瀾

陳頌南侍御 慶鏞 奉

詔回籍辦理團練贈行一首

先朝容諍臣諷議重柏臺

綸言褒抗直超遷冠羣才旋以他事去教授閩江湄

今皇膺寶錄求賢舉草萊應

詔賦北征輶車遵

帝畿言更三寒暑敷陳謨訓恢故里寇氛暗嚴城鼓角

催斯人堪保障

帝曰汝往哉居鄉負人望弭亂當在茲欲成衆志城以

休我王師譬如元氣固霧露猶能支君歸當有多望歲  
聞人思送君燕山道秋風吹桂枝所念江河阻烽烟滿  
路歧鴻雁天南翔晨霜霑客衣惜別情無限相見會有  
期埽盡荆榛路康莊策駟來

恭和

御製中秋夜延春閣望月述懷元韻

皎皎中秋月清輝萬里明鏡懸思治理燭照普

皇情弧矢星同朗機槍餒已平

虔祈暘雨應畿甸荷

恩宏

輓李吉人中丞德

憶昔官京兆肩隨尹與丞棘闈共將事政肅令惟行

道光

甲辰君在京兆尹監臨鄉

終朝不僂一子文善治兵

癸卯

科場弊竇甚多在事者皆干吏議余亦在

推此治畿甸

列洎甲辰君爲監臨場規整肅無犯法者汲黯嚴且明詰奸無漏網折獄仍持平宵小戒毋犯驅

馳

皇路清甸宣莅江左引疾歲籥更

今皇承大寶馳馬平涼征旋

命撫青齊萊夷震威聲粵西飛海水萬騎馳縱橫烟塵  
蔽吳楚狐鼠窟三城三城攻不下河北烽火驚提戈卹

本原... 卷之十一  
陸難沁水兵連營潺暑中邪氣腹疾河魚櫻班師曾幾  
日灾鵬翔其庭遺疏達

九重猶荷

丹毫評

向例遺摺不批公摺獨蒙  
命布政使臣崇恩恭錄焚於靈次

聖主念忠盡飾終備哀榮追封

賜祭葬

恩禮逾常經平生廉直望有待穹碑銘芬芳流史冊千  
載垂令名字內方多事塗炭及萬靈補救嗟無術贊襄  
豈易膺納約趨戶牖焚香籲青冥天弧助何日掃  
欃槍公歿其無憾碌碌哀吾生

葬福芬於通州

故鄉歸不得埋骨傍金臺魂魄豈安此烽烟相逼來時  
平孤櫬返江靜片帆開吾亦懸車近吳山欲問梅

聞周應芝司馬

憲曾

殉難臨洛關詩以哀之二首

薄宦遊京國賢書早列名他鄉敦戚誼王路播英聲羣  
盜忽紛至下僚恥倖生旌旗送開府已度廣平城

慷慨成仁後全家顛沛時閨中雙烈婦

妻蒯氏妾郭氏均自盡膝

下雨孤兒骨肉親朋賴

遺孤依其母舅蒯士薌明府棺

衾父老資

百姓爲之殯殮

褒忠叨

帝澤俎豆列專祠

聞周敬修侍郎天爵卒

嫉惡真如仇弭亂任酷法火烈能威民豈日操之急公  
昔由守令開府宏功業皆以猛濟寬萑苻爲心讐前年  
總師干桂嶺虎符攝旋以病去官未及奏三捷團兵鎮  
宿州狐鼠擒如獵權宜釋重囚臂使能馴帖惟不守臨  
淮清議猶未洽遲回鷁退飛疑見大敵怯老去性逾戇  
其行終豪俠

錫謚曰文忠榮名光跣韜呼嗟潁亳間虎兇羣觸柙戰  
馬未解鞍疲兵還枕甲三城久不下死亡踵相接公存  
障一方公歿人思泣

聞呂鶴田同年

賢基

殉難舒城詩以哭之

子非守土臣城亡可不死烈哉殉節心偷生以爲恥舒  
城彈丸地民不習弓矢賊至羣奔逃誰與執鞭弭就義  
何從容得正斃斯已從官朱與徐

朱麟祺帶兵陣亡徐改山自盡捐軀

兩烈士視死盡如歸英名紀青史飛章遠

九重哀汝情篤棊追贈尙書階延賞及其子

寵頒內府藏俾之喪葬戊更命建專祠馨香垂故里褒  
忠荷

主恩成仁豈不偉子死終不死千載流聲美

得周容齋汴梁來書知避地初歸作此寄懷

海溼烽烟暗

時賊踞靜海

燕臺雨雪飛忙中杯酒斷亂後尺

書稀喜識故人健知從避地歸墨池還未凍暇日彩毫

揮

恭和

御製嘉平月朔開筆書福卽事述懷兼示軍機大臣恭

親王等元韻

錫福欣覩泰宇平

宸衷咨傲盼澄清春風將轉吹幽菴瑞雪連番洗甲兵  
拔幟津沽聞捷奏掃槍吳楚慶功成凱歌唱叶新韶律  
舜陞星雲頌景卿

感事有作

侈口談忠孝未必如其人抵掌論翰畧甚或殃乃身君  
子行素位訥言守恂恂非禮誓弗蹈見義有必遵甘爲  
狂士笑不顧豪傑瞋豈無好名念名乃實之賓返躬常  
內省吾自見吾真

雪用東坡北臺韻二首

彤雲半掩月鈎纖庭院沈沈白戰嚴獨抱冬心原上柏  
慣嘗冷味水中鹽埽花三逕夢攜帚折竹一枝聲壓簷  
來日城西試登眺青螺幻作玉峯尖

林間陣陣繞飛鴉門巷泥深斷客車枯柳有情飄弱絮

老梅無意著新花空山雲凍樵夫徑虛室燈寒處士家  
筇杖芒鞋行訪戴郊原莫辨路三叉

乾隆癸酉冬至

高廟御筆擬鮑照數詩一首懸於

養心殿壁間迄今咸豐癸丑年冬至已閱百年矣

召對於茲載移寒暑跪瞻

聖蹟敬和

原韻

一人迓天慶育物止於仁二帝傳心法好生德協民三  
階時風雨蒼昊本無親四海調寒煥耕桑及良辰五福

備洪範富壽萃厥身六順先慈孝恭己以治人七月思  
艱難豈爲嗜欲淪八極梯航集感孚冠帶倫九重守淵  
默師保訏謨陳十思宏納諫芻言聽諄諄

恭和

御製題習射圖小照元韻

習武

深宮志欽承

世德遺

繪圖容體正應手燥柔知射鵠端如此懷鶚鑒在茲占  
星弧矢朗綏寓慰

勤思

十二月二十六日調任兵部紀

恩作

改工圖府計常疎喜拜

恩綸到歲除換得頭銜古司馬瞻來手澤老尙書

兵部  
午清

軒有先尙

書公手蹟六官歷五才難稱

會兼權吏戶刑三部

一歲

遷三願豈虛

余前由郎中擢鴻臚寺少卿光祿寺少卿順天府丞不及一年

匣裏寶刀

虹氣躍請纓還欲問軺車

祀竈

糝粥何須食萬錢茶鏞活火酌廉泉寥寥爆竹迎春巷

落落椒花送臘筵神馬還堪供豆莢荒厨幸未斷炊烟  
心憐萬戶如懸磬默祝新年勝舊年

望江南四首

望江南鍾山高昔時笙歌佳麗地今看戰鏃埋蓬蒿雨  
花臺畔烽烟暗莫愁湖邊狐兔驕將軍駐馬春徂冬拄  
頤修劍難爲豪宋石風寒壯士死遺黎有恨如江水

望江南鐵甕堅十年兩度罹兵燹瘡痕滿目呼蒼天城  
樓百尺巢梟鳥彎弓欲射馬不前戰艦橫江候風水湖  
流只到浮玉邊仰攻銀蒜潮頭落幾度回帆去藏壑

望江南邦溝深二十四橋污碧血三月烟花何處尋虎

旅連營鳥不飛軍門刁斗斜陽沈奈何師老士心換豺  
狼觸突嗥出林城門朝開喧鳥雀瓜步西風浪頭惡  
望江南思上海黃浦江邊旌艦移三月攻城圍未解旌  
旗照水揮鶴鷺颺風吹來介行鬼射書軍中乞受降詎  
知緩兵欲我給吳儂避地入深山茅屋天寒去復還

歲暮懷人十六首

棘闕曾共閱三旬十載風光暫轉輪此日江南持節去  
投艱應屬腹心臣

福元修中丞廬州

防河去後駐江干七邑長城萬戶歡戎幄參餘多拂意  
一腔熱血寸心丹

雷春霆少寇邗江

梅嶺乘軺瓜代回鍾山策馬典兵來比聞海角烽烟暗  
擊鼓聲中歲月催許信臣中丞上海

諫臺清望出從戎穎毫荆榛一掃空手疏屢聞辭守土  
健兒文面叩花廳袁午橋給諫安徽

亂後乘驄到鄂州城狐野鼠使人愁寇氛復熾橫江艦  
攬起鄉心到石頭曹良甫觀察武昌

儀部聲名擅雅才一麾劇郡聽疑猜萑苻處處藏魃魅  
仗劍終南進士旄陸毅菴太守穎州

文宗雅望士傾心一臥滄江歲月深鋒鏑不堪重考核  
好留翰墨付儒林何根雲學政江陰

去鄉不及一千里江北江南戰艦多駐節危城殘臘盡  
言瞻馬首向誰何孫蘭檢學政太平

墨經從戎渡洞庭蛟鼉窟裏晚風腥攜來壯士皆罷虎  
江上舳艫千里經曾滌生前少宗伯湖南

清卿廬墓處江鄉保障吳門天一方閩左相隨馮太史  
枌榆社裏費評量程榜香副憲馮敬亭編修蘇州

投筆從軍氣自豪鶴鷺陣裏任翱翔書生獨抱匡時畧  
欲踏滄洲釣巨鼇馮遠林中翰金陵

移家避地住新安松柏喬柯閱歲寒聞道皖江烽火近  
黃山雲海待君看胡實甫前太守徽州

桂嶺當年出一麾同舟圖憶舊題詩誰知人事多乖阻

萬里冰天繫夢思

觀杏樓前太守粵西以失察首逆擬戍西陲

保障危城寇不侵未堪屬邑亂鴉音一朝解組身閒甚

遙望家園憂思深

金心畬前太守潞安

長蛇封豕逼人來上郡堅城鼓角哀小邑彈丸勞守禦

尺書不到我心摧

徐重侯大令廬江

民社初膺學撫綏楚氛相通怵時危子身下邑親朋少

惆悵天涯柏葉卮

家簫九姪上蔡

松風閣詩鈔

長洲彭蘊章

詠

卷之十八

金鰲集

古今體詩百二十七首

恭和

御製甲寅元旦養心殿明窗開筆元韻

宸章彩筆試今朝

朶殿香煙紫氣饒首祥

恩綸敷海宇陽春

德澤被臣僚風和玉琯聲初暖雪霽瑤林凍欲消

螭陛星雲賡復旦鼇山燈火近元宵  
囊鞬帳下聞三捷

千羽階前奏九韶花傍

液池迎旭早樹栽

溫室後霜凋龍鱗膏潤芬流麥麟趾詩成慶衍椒

聖主承

先奎藻炳

煥文遠紹

允恭堯

人日立春恭進春帖子詞三首

韶光回紫甸暖律轉青陽風雨三階泰綬豐四海康  
羽書奏捷盼春先玉燭均調慶有年休養同霑

膏澤渥畿疆水利

念農田

時命直隸總督講求水利

協風吹管逢人日瑞雪連番灑

帝畿

大雪盈尺爲數年未見

祈穀春郊勤

法駕

十一日上辛祈穀

至誠感格念民依

送邵又村少宰燦赴漕督任

密勿參知一載餘匡時懷抱未全舒方憂江左多戎馬  
卻向淮南走傳車轉漕頻年浮海舶舉筭何日問河渠

觚稜雖遠心猶戀千里郵亭盼捷書

奉

勅敬題

御筆新春捷報圖

春光轉處惠風和

朶殿揮毫喜氣多好繪紅旌馳驛路如聞鐵甲唱饒歌  
螭坳九列鏘鳴玉虎帳千屯罷枕戈傳出

皇情圖畫裏羣生熙皞沐

恩波

送吳蓉圃太史

鳳藻

假歸省親

南望關山雨雪飛東風初拂駕征騑釣鼈舊侶春前別  
附鯉家書亂後稀江上歸帆驚戰鼓天涯負米戀庭幃  
西湖楊柳回青眼爛熳韶光照錦衣

恭和

御製詣齋宮作三首元韻

兢業淵衷健法乾如聞

帝謂懷醇然春城曉色迎

鑿輅昭格明禋

鑿自天

祈年大典承

謨烈

欽若齋心感

吳恩蒼玉青旂遵砥路

先知稼穡古風敦

畿甸春前霑瑞雪

神倉玉粒兆斯千海隅指日銷兵氣

聖德持盈益勉焉

青蠅篇

君子交既絕口不出惡聲何況感知遇師弟歡平生綈袍濟汝急夾袋藏汝名一朝時勢異白簡頓忘情貪廉

有著蹟忠佞有公評待出他人口親愛莫能爭何爲鼓  
簧舌讒言亂青蠅寒心在骨肉不齒於友朋無私託大  
義其隱實希榮扶搖鵬萬里豈復念嚶鳴詎知飄風急  
繳羽阻南程時命固有定天道非杳冥寄語沽名者背  
恩還自傾

聞官軍收復靜海感而有作四首

萑苻萬衆起南蠻吳楚塵連幽冀間只爲黃巾甘作孽  
豈因黔首性成頑江干鴻雁飛鳴苦塞下貔貅戰陣嫻  
三月塵兵收一邑津沽南望血流殷

二分明月夢揚州臘鼓聲中兵氣收已見牙旗附城郭

還聞戰艦泊江洲  
雷塘柳色春千里  
瓜步人煙草一邱  
東望陣雲連鐵甕  
滿川烽火使人愁

鍾山一載駐雄軍  
報捷音書久不聞  
文面健兒無鬥志  
白頭老將本超羣  
清流關險吹殘角  
采石磯寒送夕曛  
咫尺皖江脣齒倚  
鼓鼙聲裏雪紛紛

毘陵南去是吾鄉  
鶴唳風聲歲月長  
梅里山川民俗懦  
蘇臺麋鹿霸圖荒  
忽驚海角紅塵暗  
遙望城頭黑幟張  
欲洗蛟腥先搗穴  
水犀萬甲駕餘艘

人日穀日皆晴占驗家謂人和歲稔之兆書呈壽

陽相國一首

兆民安樂百穀成

聖君賢相所經營何幸方書占驗吉春光轉處天晴明  
畿南猶見旌旗出江上未息鼓鼙聲王臣蹇蹇爭抗疏  
朝士紛紛慕請纓祭蜡迎貓問民俗涉冰履虎塵

皇情燈火萬家幸安堵豺狼三窟憑堅城揀金不恤披  
沙礫轉粟惟恐遲滄溟安得熒惑早退舍仰觀北極明  
璣衡豐財和衆歌七德羽書千里馳紅旌

杜繼園少司空

翰

同直樞廷出先世參政湄村先

生所著湄湖詩集見示題贈四首

浣花宗派後人傳掃盡凡庸氣骨仙山左詩壇執牛耳

新城秋柳漫爭妍

大厯詩篇繼古風沿流宋季水趨東湄湖峭筆追岑李  
團扇何曾畫放翁

宦蹟詩名重藝林流芬奕葉託根深去天尺五今猶昔  
好奏承平雅頌音

啓沃功深作

帝師匡襄未竟

九重思

尊甫太師  
文正公

承家報

國情無限午夜鳴珂到鳳池

編成癸丑年詩一卷呈壽陽相國蒙題絕句三首

次韻奉答

撫時感事寫憂情五岳胸中吐不平何似卷阿賡雅什

萋萋藹藹達丹誠

公詩和平婉約無譙殺之音

坦易襟懷大路由相臣容物度休休巨川濟處思舟楫

待漏披圖蒿目愁

公作待漏圖情乎其有憂色

三陽肇啓戰羣陰帷幄持籌慮更深盼到貔貅歸塞下  
十年休養老臣心

附錄原唱

獻納論思有性情體裁風雅氣和平皋夔自是賡

侶誰識卿雲向日誠

歲莫懷人亦有由感時歎逝那能休若非杜老吟同  
谷定是張公詠四愁

雀鼠谷鄰汾水陰闔閭城接大江深天涯一種思鄉  
夢南北相望共此心

哀難民二首

羣生作孽降殃多錦繡膏粱一剝那莫道人間無地獄  
早知化外有天魔城狐窟近藏荆棘梁燕巢空入網羅  
歎息崑岡焚玉石難將沙數算恒河

鋒鏑餘生劇可憐室廬金粟付雲煙黃巾隊裏身爲虜  
石礮聲中陣列前繫帛有書空誓日投戈無路欲呼天

耶娘妻子知何在只恐相逢到九泉

上元夜聞鄰家鼓樂聲

上元不見綵燈明猶喜春街鼓樂聲  
柏葉一樽酬月夕梅花滿樹憶江城  
人煙冷比枯桑社軍令遙傳細柳營  
張望畿南屯萬馬夜深刁斗陣雲橫

春雪初晴過金鰲玉竦橋口占

日斜驅馬度虹橋滿眼春光雪後饒  
牆外山容橫翠黛湖邊塔影傍青霄  
冰開玉竦波三折雲護瓊宮路一條  
會記乘船浮太液此中煙景畫難描

正月二十三日蒙

本居言金卷之十一  
賜御筆其難其慎四字匾額敬賦一律以志榮幸

幾暇揮毫

賜近臣彩箋捧出墨痕新艱難宏濟期安

國敬慎常存勉致身喻到涉冰心戒懼凜如執玉步遵  
循深思一德篇中語四字

璇題誨爾諄

晴後復雪春寒更甚退直偶成四首

雪深迷不辨西東已脫貂裘更北風盡道冰堅泥路滑  
退朝莫漫控花驄

掃盡春泥昇雪溝

唐句

長橋不見水東流冰天一色渾無

際深鎖瓊宮十二樓

呼酒圍爐夜未闌  
紙窗風急燭花殘  
遙憐今夕河間路  
篋策聲中萬竈寒

羽書千里馬蹄僵  
謀騎聯鑣驛路長  
聞道盧溝三尺雪  
橐駝腫背送餼糧

詠眼鏡十二韻

水晶裁作鏡凹凸  
化工超視遠渾如  
近觀幽亦孔昭瓊  
璃開世界星斗現  
雲霄照欲重瞳競  
明還四目饒雪靈  
銀海靜日暖玉煙消  
堪擬然犀炯何須蠟  
鳳燒吳山翠  
瀑練台岳顯霞標  
紅雨收花氣青天豁  
霧綃螟巢窺豹

腳蝨貫視牛腰蟾窟分清景蠶絲畫白描離婁疑可學  
瞽史漫相招安得遊河朔飛蠅入望遙

春日懷徐松龕五臺二首

秉鑑峩峩歸閉門婆娑榆社古風敦嗜奇會覽吾妻鏡  
博物還求子父尊汾水清時無客釣太行險處有軍屯  
烽煙已遠春光轉可得攜筇花柳村

書來已閱兩春秋

王子冬得松龕書  
迄今始擬裁答

欲答還遲附遠郵

閩海潮聲紫舊夢雁門柳色挂新愁登壇誰是無雙士  
攬轡人懷第一流北地煙塵漸消歇側身南望思悠悠

枯魚過河泣

枯魚過河泣魚命懸於天霑鱗無一勺何能望躍淵潛  
鱗噓毒霧擊鼓興狂瀾陰風扇蕭颯江湖淒以寒欲憑  
雷公力殛之惡水湍神龍布甘雨六幕欣沛然枯魚依  
蒲藻頰尾生機全

二月十一日奉

命充

實錄館副總裁恭紀十六韻

琅函玉笈史臣編

聖主觀文凜奉

先經緯乾坤三十載昭垂謨訓萬斯年不矜苛察能容

物共識

尊親克配

天黛相東郊勤稼穡牙璋西塞靖烽煙紫光繪像庸勛  
策鐵蓋銘功武義宣振旅湖湘歌鼗獻回瀾揚豫詠箋  
牽祥刑五聽歸欽恤至道

一心惟永肩責已曾頒哀痛詔憂民自寫短長篇

松楸瞻仰終身慕

壇廟齋居記事虔蕊榜春秋賢並進荒陬水旱賦頻蠲  
戒奢每御綈衣儉卻貢時聞玩器捐

巍蕩榮名輝日月平康風俗奠山川環瀛胞與情難已

絕域羈縻運有權  
聲色屏餘神更炯  
豫遊諺裏度無愆  
星雲欲媿堯文煥  
櫛沐誰知禹手胼  
珥筆書方詞莫贊  
干齡

盛德此中傳

十五日散直見羣鷹飛舞於武英殿下知爲戡亂之兆喜而有作

武英殿下飛鷹起動我雲霄  
萬里心南北烽煙驚不定  
關山雨雪恨同深忽看鷲鳥  
凌風擊應兆渠魁指日擒  
寰宇肅清知有驗張衡莫放  
四愁吟

十六日聞叅贊郡王僧格林沁都統勝保大破賊

兵於河間

何人象郡縱豺狼北地今看弧矢張手握龍韜煩上將  
躬擐犀甲有藩王春郊萬騎山雲暗雪夜千屯野火荒  
便欲移師問江左斗牛南指掃欃槍

議卹軍營陣亡將士因思釀亂之由慨然有作

神洲一統州縣千牧民所恃守令賢去其害馬羣不亂  
諷以佩犢善必遷萬戶皆得安耕鑿瀕蒙何至甘作奸  
聖朝神武開王業康熙戡亂文教宣乾隆之季世豐盛  
大臣黷貨民力殫民貧吏虐邪慝作異端蠱起名白蓮  
環攻城邑掠村落干戈紛擾楚陝川嘉慶初元始漸息

師勞財匱幸釋肩

朝廷特頒寬大詔脅從罔治多矜全大慝雖去莠民在  
蘖芽旋復生其間斂財惑衆亦多術漫衍宇內五十年  
親民之官如傳舍但幸無事爲苟安豈無一二循良吏  
詰奸鉏暴不避難徒搏終遭豺虎噬無斧安得荆榛芟  
請兵旣恐坐激變釀亂不如求罷官因茲塗飾綱紀壞  
甘貽後患忍目前曹滑趙城亂相繼武岡崇陽復揭竿  
削平雖賴施人力成功得不歸之天其時奸邪猶畏法  
王師所至如飛翰自從言官禁海市坐看萬里鯨波掀  
大將無功戰士嬉行軍失律國紀干官吏偷生盡恇怯

丘民無耻何責焉所賴

聖神德澤厚如培顛木閱歲寒環瀛十載瘡痍復金粟  
百萬水旱蠲維持國脉使可繼急蘇民困銷烽煙

今皇御寓崇名教褒賢獎善茅茹連儒臣進講勤稽古  
博士議禮凜奉先心哀鴻澤逋賦豁書達象胥番舶還  
方期斯世俗淳美胡圖僻壤民梗頑初聞桂嶺啼梟鳥  
旋見湘江游毒蠱檣搶遠指斗牛野氛祲近逼析木躔  
元戎屢易功未就堅城疊破師無完三年缺斲憫士苦  
六月出車望帥旋運籌帷幄臣無狀攬衣夙夜

帝罔愆良由墨吏養癰久黃巾妖孽遍九寰城狐社鼠

聲相應誅戮不勝徒實繁所惜驅來鷺鶴陣如羆如虎  
皆桓桓先軫入狄死猶壯莫敖荒谷亦可憐勒名金石  
弔英魄極目疆場招斷魂司馬旌功兼卹難

時任兵部侍郎

皇仁祿及其子孫公等九京當瞑目人生一夢如浮雲  
嗟余竊祿忝九列委蛇曾無汗馬勛惟願羽書奏三捷  
得見劍戟消八埏十年生聚邦本固萬方綏靖憲典寬  
聖人垂拱民氣樂賢才輔治官勿瘵傾否濟屯在人事  
自今以往當思艱

盆中唐花二株暮春復發

百卉向春榮時哉得其正茲花冬出窳矯揉失本性早

開亦早落春至難爭勝何緣落復開仍與羣芳競衝寒  
雖損天弄姿終及令良由灌溉勤不入風霜徑如彼幼  
慧人老去聰明盛養生無他術太和常內孕喟余蒲柳  
姿六十衰且病婆娑覽春華扶筇發豪興

寒食書懷

聞道征夫詠采薇荷戈幾度柳依依焚山介子身終隱  
辟穀留侯老未歸汲得廉泉占井深燒將丹竈療年饑  
不須寒食增惆悵煙火春街本漸稀

時商旅不進城南人煙漸稀

三月初九日

瀛臺入直

御槍擊中野鷺

賜軍機大臣恭紀

煙波深處水禽翔聊試

神機一發強介弟行厨先拜

賜恭親王

領班

近臣陪鼎許分嘗大庖不滿春田後珍膳猶

頌太液旁何日更隨

南苑獵三驅同看角弓張

張詩舫前輩

祥河

至自關中奉柬二首

春明門下笑相逢獨鶴逍遙物外蹤攬轡猶堪馳虎節  
據鞍未許誚龍鍾早知歸思縈三柳何幸詩名達

九重江上烽煙還不斷空山孤負一株筇

平生未了歸田願老去重來侍

禁垣藤院閉翻新畫本藥階還認舊巢痕

到京次日卽拜閣學之命

好留詩句題青瑣漫攪鄉愁話白門我亦懸車年漸近  
可能把臂息邱園

三月十二日調任禮部紀

恩作

宦情老去已闌珊

恩重時艱敢卽安纔說六卿將遍歷不圖三月竟遷官  
上年十二月  
方調兵部 韜鈴未習談兵拙俎豆嘗聞數典難共道

凱旋儀節盛欲陳綿蕤話登壇

碧玉篇答虞山翁二銘尙書

心存

弁序

余幼時人稱爲天台僧碧玉後身長而作詩紀其事因讀古樂府詩有碧玉小家女之句故詩中改碧爲筆比間翁二銘尙書述嘉慶丙子夏嘗夢身爲僧有長老授以水蒼玉如珪形背鐫碧玉二字命藏之疑與余有夙緣并錄所作碧玉篇見示夫夢爲幻境徵信爲難然左氏言夢往往奇驗至如蔡中郎爲張平子後身前賢記載豈盡誕耶爰書數韻答之

人生本如寄往復理難知魂升附神識魄降隨形骸聚  
者既可散安知去不來花開發香色花落留根荇生理  
苟未絕萌蘖終潛滋鳩鷹互相化溫肅因乎時鴛鼠變  
不復飛走異其材惟人變在心形質原不移其生雖不  
移常以死爲期窮欲滅天理禽獸或幾希卓哉賢哲士  
操心凜危微衾影無愧忤夢寐辨是非卽夢堪知死昭  
昭復不迷嗟彼佛門子何能真性窺惟因耽虛靜寡營  
自息機又因少嗜欲日休神不疲忽然復爲人智慧固  
其宜智慧不可汨名利勿受羈還君本來相庶幾善自  
持殷勤畀水蒼長老意何爲守身如執玉告戒當在斯

甲寅春日得詩一卷壽陽相國有詩題贈和答

木落淮南感長年休將否泰問韋編軍儲已採三秋葛  
飲御還遲六月篇老去襟期何日慰古來詩卷幾人傳  
白頭不稱儕桃李願學松篁節並堅

附錄贈作

吟興今年勝去年春來退食已成編都將愛 國深  
沈思付與長言詠歎篇漫叟襟懷多寄託香山樂府  
總流傳感君得句頻投贈白首相期志益堅

禮部謁韓文公祠

膠西已遠河汾近正學宗傳寄大儒性道淵源師孔孟

文章流派啓歐蘇寇軍獨往心無懼瘴海生還德亦孤  
今日春官尊古哲瓣香虔奉屬吾徒

方略館謁留侯祠

泗上真人歌大風運籌帷幄埽羣雄報韓未遂椎車志  
輔漢終成躡足功黃石授書謀逐鹿赤松辟穀羨飛鴻  
建儲聊借商山皓脫屣榮名一笑中

穀雨日入直

瀛臺退朝泛舟至 西苑門卽事書懷

爛熳春光中亭臺間花木西苑罷朝參行過虹橋曲牆  
角丁香叢茶火照人目夾路菜花黃沿隄楊柳綠揚船

趁暖風清波紋縐縠參差碧藻流  
出沒羣鳧浴自從羽檄馳憂憤  
額頻蹙不知天地間春意還繁縟  
羣生有享屯造化終亭育

皇心保太和剝極機將復

自題詩卷

歲月崢嶸壯志微况逢時事與心違  
高歌終類溺人笑玩物難辭學者譏  
字裏宮商當絲竹眼中南北望旌旆  
枉教重敘蘭亭本

去年有重敘蘭亭本觴詠幽情近日稀

孔修師生日以五百羅漢石刻本爲壽並系以詩

展卷神遊蘆蒿林三生悟徹去來今  
降魔欲藉無邊法

測佛應知未了心身現金剛終不壞手擎寶塔尙能任  
馴龍伏虎都成幻長老低眉道力深

詩舫前輩由陝入都得詩一卷見示題贈

朝天路繞雁門關直達嶠嶠古塞間鳥道雲遮千里目  
馬蹄雪埽萬重山頻年張蓋游還俗此日尋詩迹更閒  
示我新吟知律細涪翁三百漫從刪

五月初三日蒙

恩擢任工部尙書恭紀

雁塔題名過強仕水曹挂籍幾星霜六年久貳冬官職  
三載來參政事堂屢有

恩言增爾秩恨無勝算獻吾

皇捫心難免鵜梁刺舊侶還多白首郎

京畿小旱設壇祈雨

上再詣

大高殿 時應宮一詣 天神壇虔禱甘雨疊降遠近

霑足遂舉報謝之典恭紀一首

畿內麥秋逢小旱桑林祈禱

聖心虔綠疇

雲罕薰風轉蒼壁

靈壇吉日蠲出地輕雷消沴氣隨車膏澤兆豐年

皇穹默鑒

憂勤意粒我烝民雨大田

題侯官林節母課孫圖

節母余氏爲觀  
察廷禱之祖母

閩山禮教宋儒開苦節寒閩毓令才彤管題名曾八百  
幾人綽楔荷

恩來

曩余視學閩南遇有青年守節未請旌者給與  
扁額凡入百三十餘人因刊彤管揚芬錄以志其

姓氏俾毋湮沒其如余太恭人之早荷  
旌門又得令孫爲之顯揚者蓋寡矣

畫荻辛勤詠柏舟孫枝翹秀素風留不堪卒讀陳情表  
爲恨生平未報劉

題林范亭觀察

廷禱詩鈔

黃童對日早知名

君少有神童之目

人海星霜廿載經已看科

名推老輩

君年十七成進士迄今已閱十二科年尚未四十

問年還似醉翁亭

歐陽公作醉翁亭記時年纔三十九記中所云蒼顏白髮者蓋戲之耳

憶從樞院識冰清倚馬千言筆陣橫

君爲觀察李蘭卿前輩之婿蘭卿亦

少年登第由中書入樞廷素有神童之譽

難得仙才誇玉潤青蓮詩句待君

賡

卷中多與蘭卿唱和作

六月初七日入直 承光殿口占

萬歲山頭旭日升湖光遠映曉霞蒸森巖 豹仗虹橋

轉肅穆鷓班雉堞憑烏榜掠波聲欵乃丹梯撥霧足凌

兢石亭玉甕瞻

奎藻

殿南石亭藏玉寶爲元時物  
上鐫高廟御製詩

禁鑿清宵寶氣騰

山東臨清州牧張

積功

與子同舉於鄉高唐州牧

魏

文翰

子同年進士張優於才魏優於德各有

政聲二州陷先後殉難詩以哀之

二牧皆吾友分符各有聲循良齊古哲幹濟重時英守  
土嗟無力捐軀恥倖生臨風一灑淚兩地望孤城

聞武昌漢陽復陷感而有作

亂民紛宇內帶甲滿江河狐鼠憑城社鷓鴣入網羅匡  
時長策少死節故人多羽檄連朝暮驚心問若何

六月十八日雨後 漪瀾堂入直作

雨後湖天薄霧中樓臺遠望接空濛鷺拳掠水生輕浪  
荷蓋搖珠弄曉風古寺清鐘人語靜平橋

仙仗瑞煙籠鷓班今日無封事只有金吾控玉驄

是日惟大

金吾聯  
公奏事

蟻鬪

盈尺空階作戰場紛紛聚散亦何常一腔厲氣輕微命  
兩穴成軍儼列行豈有諸侯觀壁上更無降將辱塗旁  
憐他棄甲歸來者不及南柯夢裏強

贈河南張縣尉

謝

文字相知十載前張君爲余順天府試所取士科名憐爾竟無緣一

官簿領匏空繫千里關河屐欲穿王路從今馳驟駟家

山何日息烽煙君別籍鎮江暫逢塵海還如夢漫寫新愁入

短篇

送張賓岫給諫詳晉觀察粵西

珠江鍾秀氣君籍番禺跌宕老詩翁謂尊甫南山先生宗派三家外

沈雄七字中丹山看起鳳紫陌避乘驄桂嶺雙旌去陔

蘭馥幾叢君欲就近迎養

七月三日 召對浴蘭軒作

小艇鳧飛水一灣湖隄侵曉集鷓班喬柯天矯南窗樹

疊石玲瓏北牖山萬柄荷香

黃幄外一林蟬語翠微間當年深鎖蓬萊地只許閒雲  
自往還

十四日雨後西苑 召對蔭清齋作

雨洗虹橋淨微陰罩綠波秋心漸衰柳涼意欲殘荷殿  
古喬松秀庭空瘦石多退朝歸路遠鳴珮下坡陀

舊題丁南羽畫十八羅漢詩爲王琴仙侍御 本楷

藏本琴仙旋出守吉安禦賊殉難詩以弔之

聞君殉節已經年棖觸翻從翰墨緣江國烽煙千里暗  
孤城保障一身先 琴仙留武弁守城而自帶兵出戰賊  
已敗退因知我兵軍重來抗拒琴仙

雖遇害而郡  
城得以保全  
乘駒他日歸  
祠畔斗酒何  
時酌墓前讀  
畫  
敲詩都似夢  
不堪重覽應  
真篇

喜何根雲學使同年

桂清

還京

烽火江干久  
駐旌文宗投  
筆守孤城舟  
師賴作中流  
柱  
焦山下水師  
戰艦  
江東賴以保  
障  
軍令遙聞上  
將營  
君盛稱向提  
軍壁壘之堅  
腕底  
重教鸞鶴舞  
耳邊新斷鼓  
鼙聲

天倉轉粟東郊近  
旦夕驅車達

帝京

時任倉  
場侍郎

涿州遇雨至涑水作

兩年未唱出西門  
策馬樓桑雨氣  
昏驛路連朝停  
警報

吟鞭十里指孤村平沙斷處扁舟渡野水添餘亂石吞  
不道秋來纔幾日蕭蕭落葉滿荒原

秋日車行雜詠十二首

嚴城啓處暖晨光挑菜村農入市忙未覺烽煙千里近  
萬家耕鑿滿康莊

墟煙起處見孤村叱犢人歸笑語喧正是秋田登百穀  
甕車滿載到柴門

盧溝橋下泊漁舟沙長橋心水不流空見漁人來撒網  
綠波漸少赤鱗游

肩輿渡嶺復沿溪行盡郊原桃李蹊兀坐畫長生午倦

喚人茅屋一聲雞

琉璃河畔石梁高盡道崎嶇策馬勞笑我往來今幾度  
風塵那不髮蕭騷

探幽憶昔遊潭柘信宿曾來石景山滿地流泉亭曲水

暮春鷓鴣詠幾人閒

癸未三月徐伯愚銓任石景山同知邀余偕令叔重侯同游潭柘等處

房山邈迤擁青螺白石深巖出琢磨豈有蒲英蓮葉巧

埋沙十丈巨材多

房山石今陵工取用大材甚多

荒村忽見滿池荷搖落西風墜粉多還有露珠擎翠蓋

十分涼意點秋波

細雨連纖過涿州好風吹散一天秋晚來駐馬金臺畔

天際烏雲濕不收

雨歇雲行山半遮  
漸開晴色見人家  
薰風拂處披襟坐  
且飲茅亭一碗茶

日高還未啟州城  
城卒酣眠喚不應  
緩帶近聞羊叔子  
帳前戲執魯人冰

一夜秋風撲板扉  
畿南戍卒未全歸  
千家燈火裁刀尺  
絡緯聲中綻絮衣

初八日還京 召對悅心殿作

丹梯百級聳層樓  
高樹清風滿院秋  
日出山光明上界  
雲移塔影漾中流  
書來白羽懷千里  
衣拂紅塵到十洲

驛路吟蟬聽欲倦綠波深處看浮鷗

吳甄甫制府

文鑑

禦賊黃州陣亡詩以哭之

公昔捍海之江濱洪波一躍不惜身今來禦寇楚江畔  
捐軀鋒鏑爲忠臣衆寡不敵兵不習公本有待非逡巡  
同僚惡言相逼迫公怒策馬馳煙塵募卒連營無宿將  
闕然一潰非無因公死未幾武昌陷嗟哉參肉何堪嚼  
幸遭罷斥竟偷生同奔之人獨伏劔公雖無術保危城  
耿耿孤忠

帝心鑒或議公何小不忍坐使長江失天塹春秋責賢  
固應爾視死如歸終無憾

安徽太平府城陷孫蘭檢學使銘恩死之

文臣無一旅慷慨誓捐軀食盡民皆寇城空勢益孤先  
奔慚懦將後死重奚奴白髮招魂處江干淚眼枯

封翁在籍

送舒雲溪

典阿權鎮泰甯

綸扉囊筆憶追陪節鉞平涼去復回驅馬昔曾遊鐵蓋  
縮符今喜傍金臺文臣偶試師干寄

聖主終憐幹濟才好趁晴光渡涑水秋山雲霧爲君開

題花松岑尙書

沙納奉使朝鮮詩墨刻

手持龍節到東瀛蓬島春風拂使旌捧冊天邊光盛典  
留題海外重詩名雞林流譽才原富鸞掖揮毫品自清

木月言金  
石墨鐫華書附鯉珠璣還欲貢

神京

朝鮮人刻  
石寄將

閏七月十九日蒙 賜石刻

御筆畫馬一幀風雲氣壯捧

宸翰而傾心苜蓿秋高盼捷音而拭目敬成一律以紀  
恩榮

脫盡雕鞍七寶裝

殿前屹立四躡霜負圖曾見來河涘解甲終教息華陽  
赤水歌謠擘漢帝瑤池遊宴薄周王桃花萬騎追奔電  
付與將軍掃八荒

閏七夕口占

吾生七夕三逢閏閏到今年又一秋  
萬戶流亡驚戰馬兩番離別弔牽牛  
乘槎碧海都成幻浮蠟紅闌未解愁  
月下穿針還乞巧卷簾重上曝衣樓

天津徐芳田

填

權廣西太平守龍州土匪反禦

陣亡詩以哀之

西掖讐書侶

道光己丑君與余同  
校平定回疆方略

天涯有幾人蠻荒弄

兵革羽檄走風塵弱卒難弭亂危城竟致身  
萬山歸骨路南望暗傷神

古鏡

本五言金 卷一  
雲中明月認前身莫歎妍媸看未真察盡秋毫何所用  
只愁眼底失輿薪

古劍

化龍長劍吐寒芒豈學鉛刀肯善藏只爲無緣報知己  
匣中一閉幾星霜

太傅大宗伯濱州杜公石樵先生年逾九十精神

矍鑠披覽往籍並臨池染翰不倦因免令孫繼

園少司空

翰

求書一扇公欣然應之感而賦謝

岱嶽欣瞻歲月長

道光初年曾仰德容於  
座師帥仙舟先生坐中

於今人瑞魯

靈光烟雲過眼神瀟灑

嘗見公畫  
山水扇

珠玉揮毫語吉祥

扇書

郎官壁記

詩禮憶曾聞子舍

昔陪令副太師於刑工  
部得聞公家親身矩科

名還喜附孫行

余與令孫雲巢少  
司馬同年進士

仁風揚處懷同暢願

覩環瀛壽且康

### 夜坐獨酌

夜寒人不寐坐到燭花殘倦眼因詩豁愁腸爲酒寬休  
兵覘太白却病學還丹月下看烏鵲凌風羨羽翰

壽陽相國憂勞成疾乞假月餘未得亟見代柬

獨有運籌人思艱厝積薪愁中遭謗口病裏得閒身

天語時相問公評自有真藥鑪尋活計屈指已三旬

李春生郎中

仲良

出守夔州臨行以扇索詩題句

奉贈

翩翩水曹郎一麾行蜀棧夔府古名都建瓴控江漢自  
從楚氛惡沃土民情變遷徙之四方戶口存亡半此地  
設關梁權稅緡鏹算商旅既不通安望錢朽貫君今撫  
字勞何能計營辦欲覩斯民康守望先團練坐使金城  
堅不孤墨綬縮故里五羊城比閭遭寇亂烽火望江南  
與余同一歎秋風戒行李蕭瑟無歡宴單車冒曉霜極  
目南飛雁聊託四愁吟贈君青玉案

八月二十六日蒙

賜石刻

御製開誠痛戒因循詩敬和 元韻

勵俗應將猛濟寬  
轉移風氣喟其難  
膏肓有疾求良藥  
肺腑何人懷素餐  
無曠庶官身共致  
勿欺清夜夢常安  
九重自寫憂勤意  
感激羣僚效寸丹

聞官軍收復武昌漢陽兩郡

幾載勞師未有功  
軍儲飛檄歎書空  
楚氛已掃江南北  
禹貢應籌賦上中  
一騎紅旗傳驛路  
千尋鐵鎖斷檣篷  
石頭城外孤軍駐  
還望湖湘戰艦通

九月朔日退直口占

橐筆曾經十二秋  
重來羽檄滿江洲  
長虹餘氣侵箕尾

太白寒芒射斗牛轉粟還勞浮海舶和羹誰是濟川舟  
祖生擊楫非虛願早見塵清黃鶴樓

曾滌生少宗伯帥舟師收復武昌

重九日作

重陽無雨亦無風西掖歸來日正中破甕還餘桑落酒  
疏籬聊對菊花叢關心佳節龍山會極目長天雁陣通  
愁聽千家砧杵急畿南何日返元戎

簫九姪自上蔡書來見懷四律冗次不暇和韻寄  
答一首

干戈滿地一儒生撫字劬勞歲籥更江左烽煙無樂土  
淮西保障有專城重陽索句知誰健千里郵書見汝情

聞說板輿今載道搖搖心欲比懸旌

白菊

傲骨森森絕點塵冰心一片見天真雲中遙對賓秋雁  
門外欣逢送酒人好倩濃霜留畫本只應明月認前身  
笑他紅紫紛相競不怕空山隱士嗔

葉潤臣中翰

名澧

屬題太常仙蝶圖

太常仙蝶久得名我初未見難忘情今茲讀畫如見之  
栩栩入夢懷莊生和風慶雲蝶乃出蛸飛亦與時偕行  
君不見霜晨肅殺擊鷹隼春朝和煦啼燕鶯况此仙蝶  
爲瑞應罕如麟遊鳳鳥鳴乾隆泰宇曾屢見賡歌盛事

傳形廷比年楚粵煙塵暗羅浮仙侶驚飄零蟲沙猿鶴  
隨物化湘江日夜嗚咽聲蝶兮何幸依

神京

潤臣題余近稿次韻奉酬

羽書絡繹雁聲中拭目欣觀彩筆工鳳閣五花分典麗  
蠹編一束笑殘叢四愁漫擬張衡賦三捷羣推南仲功

時間曾少宗伯塔提軍

收復武昌漢陽黃州 粵嶺烽煙還未息北山惆悵古

今同

尊甫東卿年伯就養於  
令兄崑臣制府節署

送根雲巡撫浙江

秉鑑歸來歲未更又看持節出

神京湖山自昔供吟客草木於今盡寇兵

浙省於平望汛列水營以

防竄

匪浮海齋糧闕

國計救災獨賦恤民生

上年浙江行海運被災處仍行蠲緩

知君夙抱匡

時略浙水東西聽頌聲

十月初四日倬直

雍和宮 召對太和齋恭紀

昔年潛邸地今日堯王宮  
疊石圍松翠新霜壓菊叢  
然亭突起竊矣徑旋通

樂善

堯仁仰

殿題爲善最樂四字匾額

寬臨繼述同

短日

短日軍書急揮毫夜漏深熊羆思壯士鴻雁動歸心誰  
和郢中曲難爲江上吟滿腔憂憤意何處一傾襟

煮藥

老來百病漫相攻愛看方書恨未通目暗欲投蒼耳子  
齒搖慣餌白頭翁星霜閱後身還健卷帙拋餘語不工  
且向藥爐尋活計秋深何處覓東風

輓昌黎魏麗泉大司馬

元娘

汾晉早傳循吏名建牙海嶠振威聲身膺遐福躋三壽

望重清班久六卿會共

山陵安兆域

余曾偕公同辦陵工

更陪樞府詰戎兵

今春與公共事兵部

三於今跨鶴仙蹤杳太息

朝端失老成

冬日喜錢生警齋至

冀北朔風緊求名客下車時艱思報

國年壯恥懷居履尾干戈地

生嘗從江中丞於廬州軍營

驚心民社

初家貧謀祿仕未肯問樵漁

送吳子苾鴻臚同年

式芬

視學浙江

分陝旬宣詠芾棠還

朝秉鑑水雲鄉

殿前虎拜司儀暫湖上鶯飛索句忙  
瞻岱文人識師表  
過江名士費評量  
孤山萬樹梅花發  
好與何郎共一觴

何根雲同年

時撫浙江

冬至日

園丘大祀

上詣壇齋宿隨扈恭紀

九陌風清砥路平

郊壇齋宿乘輿行敬

天念恪勤修典

憂國心勞盼息兵江上一軍頻告捷畿南萬騎尙連營  
羽書絡繹

幾餘少

乙夜披章兢業情

是日軍報較多上燈後始得繕旨進呈

壽陽相國因病蒙

恩致仕美懸車之有日感判袂之非遙因成一律奉柬  
密勿論思十四年養疴奉

詔許歸田一身盡瘁因籌國百輩能容爲進賢豈有遐  
心託泉石恨無長策靖烽煙追隨三載緣何淺珍重金

鼇唱和篇

前年卜隣於金鼇玉棟橋西時有唱和之作

望雪

冬盡春回雪未零

三壇祈禱動

皇情

十四日舉三壇祈雪之典 上親詣天神壇

西山雲起晨疑雨北極

天高晚更明鱗鼓連朝喧

秘殿龍鱗萬畝盼春耕

恩膏沛處

蒼穹感

十七日有旨蠲緩直隸江蘇等省被災被擾地方漕米錢糧

會見和甘遍

八瀛

猛虎吟

戒兵無紀律也

弭亂始徵兵，兵驕亂愈甚。妒功死不救，玩法終難任。寇  
來鳥獸散，寇去金革祗侵掠。及村落懦將，不能禁毒藥。  
反賊生惡木，竟無蔭渴不飲。盜泉奈此酒中鴆。

髮婦吟

甲忠烈  
捐軀也

深巷誰家婦，日暮帷堂哭。丈夫隸羽林，抱勇齊賁育。騁  
馬據雕鞍，挽強抽金僕。荷戟去從軍，畿南勅壘屬斬馘。  
已無算泥塗，陷馬足卒潰。將無援夫征，嗟不復。上有白  
髮翁，養乏升斗祿。下有黃口兒，嗷嗷誰與畜。哀哉杞梁  
妻，行路爲額蹙。自從用兵來，瘡痍非一族。江湖數千里，  
未入吾耳目。

崑玉吟

憫遭難  
士女也

豺狼走城邑，雞犬靡孑遺。  
登高望百里，邇落人煙稀。  
十室九遷徙，士女苦流離。  
或自投古井，褰衣赴清池。  
或雉經，厲下舉刃手自裁。  
生時居華屋，死不蔽葢帷。  
童稚走顛仆，存亡非所知。  
得爲他人子，幸獲再生期。  
蒼蒼胡不仁，孽由自作之。  
百殃天所降，真漠豈無司。

祀竈

萬戶今宵祀紫官，三冬無雪月光寒。  
黃羊空費人間媚，白簡難邀天上寬。  
帳下熊羆驚歲改，山中貓虎送年殘。  
祭詩還念蓬廬客，傾盡瓶尊把卷看。

歲暮感懷

頌賜

御書福壽字龍字平安如意四字敬賦

錫福先春

壽寓開

龍書炳煥自

天來平安竹寫琅玕字如意花承

雨露培

寶翰頒時重珠玉蓬廬懸處辟塵埃只慚報

國無長策江界還需草檄才

除夕送錢警齋大令

世銘

之官四川

漫卷詩書作吏行，偏逢殘臘賦西征。  
蠶叢古塞方籌饗，虎旅中原尙列營。  
邊徼一官知祿薄，烽煙滿目喜裘輕。  
敝車憐爾衝寒去，直到春深達錦城。